

HIV waliin jiraachuu dandeessu

Tajaajilawwan kan SAYFSM, qajeelfamaa fi abdi akka argattaniif isin gargaaru.

Sagantaawwanii fi tajaajilaawwan kunneen SAYFSM –tti isiniif argamu:

- Afrikaanota HIV waliin jiraataniif gumii deggersaa miiraa fi kan hafuuraa
- Gorsaa fi Qorannoo HIV
- Barnoota ittisa HIV/AIDS
- HIV posatiivii warra ta'aniif kan kennamu gidduu seenuu kan dhibee ittisuu fi barumsa fayyaa
- Aadaa fi afaaniin kan wal qabatan meeshaalee barnootaa
- To'annoo dhimma fayyaa
- Abukaatoo kan yaalii fayyaa
- Gorsa Fayyummaa Sammuu
- Mana jireenyaatiif, miindeffamuudhaaf, deggersa hawaasaatiif, dulaaba soorataatiif, uffannaadhaaf, barnootaaf, seeraaf, meeshaalee mana keessaatiif, akkasumas fedhiwwan kan biroof kan oolan, maddaa fi refiraala.

FREE HIV Testing Sites

SAYFSM ----- 651-644-3983
 Clinic 555 ----- 651-266-1255
 Red Door ----- 612-543-5555

Qorannoo Fayyaa Taasisaa!

Qorannoon hundinuu fi tajaajilawwan wal fakkaatoo ta'an kaffaltii kan hin qabnee fi waajjira SAYFSM kanatti kan kennamanii dha.

SAYFSM kun karaa miseensa hojjetoota sirriitti leenjifamanii fi waraqaa ragaa qabaniitiin kan geggeeffamu meeshaa qorannoo HIV sadarkaa isaa eeggateen qorannoo dhiigaa taasisa.

Beellama qabachuudhaaf gara SAYFSM –tti bilbiluudhaan miseensa hojjetoota waliin haasa'aa.



Bahiin qorannoowwanii daqiiqaa 15 keessatti.

Teessoon Keenya:

SAYFSM
 2395 University Avenue, #200,
 St. Paul, MN 55114

Lakkoofsa Bilbilaa: (651) 644-3983
 E-meeyilii: info@sayfsm.org
 Marsariitii: www.sayfsm.org

KENNAAWWAN ADDAA GAMMACHUUDHAAN KEESSUMMEEFFAMUT

Eeyyee! SAYFSM kanaaf kennuu nan barbaada:
 ___\$25 ___\$10 ___\$5 ___kan biraa

Maaloo, kenna keessan gara kanatti ergaa:


SAYFSM
 2395 University Avenue W, #200
 St. Paul, MN 55114

!!

Tajaajilawwan akka aadaatti Sirrii ta'an dhiheessuu



Sub-Saharan African Youth & Family Services in Minnesota keessatti sahaaraa gaditti kan jiraatan Tajaajila Dargaggootaa fi Maatii Afriikaanotaa (SAYFSM), Afriikaanota Minnesotaa keessa jiraatan hundumaaf, miira aadaa fi afaaniifis mijataa ta'een barnoota HIV/AIDS fi tajaajilawwan hawaasummaa



Mbiu



A newsletter of SAYFSM

Issue 22/November 2022


St. Paul, MN

651-644-3983

www.sayfsm.org

info@sayfsm.org

Qorannoo HIV keessanii ilaalladhaa !



Yoseph Geleta

HIV, vaayirasiin AIDS fidu, gufuu fayyaa fi guddinaa hawaasaa keessaa isa tokkoodha. Akka Sagantaan Dhaabbata Mootummoota Gamtoomanii HIV fi AIDS (UNAIDS) jedhutti, addunyaa guutuutti namoonni tilmaamaan miliyoona. 38.4 ta'an HIV waliin kan

jiraatan yoo ta'u, isaan keessaa harki caalaan isaanii (73.8%) Afrikaa Sahaaraa gadii keessa jiraatu Addunyaarratti waggaaatti namoonni miiliyoona 1.5 ta'antu HIVn qabama. HIVn adda durummaan warra umurii oomishaa keessatti argaman kan miidhu yoo ta'u, fayyaa namoota dhuunfaa qofa osoo hin taane kan maatii, hawaasa, fi misooma fi guddina dinagdee sabootaa irrattis dhiibbaa qaba

Infeekshiniin HIV haaraa fi namni vaayirasichaan qabame hundi yaala akka argatu gochuuf carraaqiin taasifamu ammallee qormaata ta'uu ibsameera. Namoonni HIV waliin jiraatan ykn dhibee HIVn qabamaniif saaxilaman hedduun mala ittisaa, wal'aansaa fi kunuunsa jiran hin fayyadaman

HIVn dhiiga nama dhibee kanaan qabame, dhangala'aa sanyii dhiiraa, dhangala'aa qaama hormaata dhalaa fi aannan harmaa keessatti argama. HIVn karaa walqunnamtii saalaa eeggannaa hin qabneen, lilmoo dhibee kanaan faalame waliif qooduun fkn, Fayyadamtoota Qoricha karaa Lilmoo, dhiiga dhibee kanaan faalame waliin kallattiin wal tuquu ykn walitti daddabarsuu, akkasumas haadha irraa gara daa'ima garaa keessa jiruutti yeroo da'umsaa, ykn karaa harma hoosisuun daddarba.

Dhiironni dhiirota waliin saalqunnamtii raawwatan, namoonni qoricha sammuu namaa hadoochu lilmoodhaan fayyadaman, hojjettoonni saalqunnamtii, namoonni saala jijjiiratan, akkasumas warri hidhaman HIV-tiin irra guddeessaan miidhamu.

Namoonni qoricha sammuu adoochu lilmoodhaan fudhatan ga'eessota qoricha lilmoo hin fayyadamne caalaatti carraan dhukkuba HIVn qabamuu isaanii dachaa 35 ta'a; Dhalataan Afrikaa/Afrikaa Ameerikaa fi Hispaniik/Laatinon HIV-tiin irra guddummaadhaan miidhamu.

HIV ittisuuf malooti hedduun jiru. Tooftaaleen ittisaa bu'a qabeessa ta'an fayyadama kondomii jijjiirama amalaa, qorannoo HIV, fi tattaaffii miidhaa hir'isuu fayyadamtoota qoricha sammuu namaa hadoochu lilmoodhaan fudhatanii kan dabalatudha. Adeemsa yeroo keessa gahumsii qorannoo HIV dabalaa dhufus, namoonni baay'een haala HIV isaanii hin beekan. Galmi Yunaayitid Isteetiin Ameerikaa namoota HIV waliin jiraatan keessaa dhibbeentaan 95% bara 2025tti bu'aa qorannoo HIV isaanii akka beekan taasisuudha., akkasumas bara 2030tti akkanumatti itti fufsiisuudha.

Namoonni HIV/AIDS waliin jiraachaa jiran umurii dheeraa fi bu'a qabeessa ta'e mi'eeffachuu, gaa'ela godhachuu, maatii horachuu danda'u. Wal'aansi HIV/AIDS umurii dheeressan fi daawaan dhukkuboota HIV waliin wal qabataniin dhufani ittiin yaalanis ni jiru.

HIV qabaachuuf dhabuu keessan qorannoo HIV salphaa ta'een beekuun tasgabbiin sammuu isiniif kenna, tatamsa'ina HIV dhaabuufis baay'ee gargaara

Namoota HIV waliin jiraatan osoo hin taanee, HIV haa lollu

Namoonni HIV waliin jiraachuu isaanii beekuu hin barbaadan, sababiin isaas maatii fi hawaasni isaan keessa jiraatan akka isaan hin jibbineef (judge), akkasumas addaan isaan hin baafneef sodaa waan qabaniif. HIV/AIDS kan qaban yoo ta'e illee, namni hundinuu, yeroo hundumaa akka isaan jaallatuu fi akka isaan deggeru beekuu qabu.

Vaayirasiin AIDS fidu, gororaan, qufaadhaan, haasaadhaan, imimmaaniin, haxxiffannaadhaan, ykn tuttuqqaa salphaa ta'e kamiin iyyuu hin faca'u. Vaayirasiin HIV harka caalmaadhaan kan inni daddarbu, karaa dhangala'aa qaama hormaata dhiiraa, dhangala'aa qaama hormaata dhalaa, dhangala'aa munnee, dhiiga, ykn aannan harmaa kan nama vaayirasii HIV posatiiv ta'ee ti.



Waa'ee HIV beekuun kan isin irraa eegamu maali?

“Beekumsi qabeenyarra wayya.”
Jechama 'Cameroonian'

HIV/AIDS n MAALII??

- HIVn vaayirasii AIDS fiduu danda'uu dha. Qaama keenya dhukkubaa fi infekshinii irraa kan eegu, mala ittisaa uumamaa kan ta'e dandeettii ittisa dhukkubaa kan miidhuu dha.
- Dhibee kanaan erga qabamtaniin booda, mallattoon dhukkubaa osoo isin irratti hin mul'atin ykn HIVtiin qabamuu keessan osoo hin beekin waggoota dheeraaf jiraachuu keessaniin namoota kan birootti daddabarsuu dandeessu.
- HIV kanaan erga qabamtaniin booda dandeettii dhibee of irraa dhorkuu kan qaama keessanii baay'ee miidhuudhaan infeekshiniin kun gara AIDS tti guddata.
- AIDS jechuun sadarkaa (Stage) xumuraa kan HIV ti.
- AIDS addaan baasee beekuu kan danda'u dokteera qofa.
- HIV/AIDS kanaaf talaalliin yks daawwaan tokko illee hin jiru.
- Tarkaanfiiwwan fayyummaa hojiirra kan hin oolchine, ykn limmoo waliin kan qooddachuudhaan, ammas HIV gara warra birootti dabarsuu kan dandeessan ta'us; namoonni vaayirasii HIV waliin jiraatan jireenya fayyaalessaa fi umurii dheeraa akka jiraatan gargaaruuf yaaliin fayyummaa ni laatama.
- Yaalii fayyummaa kana irraa fayyadamaa ta'uudhaaf, dursitanii bahii qorannoo HIV keessanii beekuun baay'ee barbaachisaa dha. Haala bahii qorannoo HIV keessanii beekuu kan dandeessan qorannoo HIV taasisuu qofaadhaan ta'a.

HIVn nama addaan hin baasu!
HIVn nama kamiin iyyuu qabuu
danda'a!